

Laudas in onori de Santu Gerolamu

(F. LAI)

(1)

S'annu trexentustrint'unu

Nascestis riccu de grazia

In provincia de Dalmazia

De Stridoni in su comunu.

Senz'e difettu nisciunusu

Esti cresciu bellu frori

Agiudai s'isola sarda

O Gerolamu santu dottori.

(2)

Giovanissimu di edadi

A Roma festi beniu

E su studiu approfondiu

Si festis cun facilitadi.

Bosu festis pren'e bontadi

Ma paganu su professori

Agiudai s'isola sarda

O gerolamu santu dottori

(3)

S'ostinada genti pagana

S'hiat pagu impressionau

Sendi cresciu beni educau

De famiglia cristiana

Ma de Roma s'iscola pagana

Cambiendi festis su mori

Agiudai s'isola sarda

O Gerolamu santu dottori.

(4)

In Gallia e in Antiochia

Studiastis su latinu

Cun impegnu de continu

Ca fut sa lingua preferia.

Cun bontadi santa e pia

E onestu de sabori

Agiudai s'isola sarda

O Gerolamu santu dottori.

(5)

Su Papa Dalmasu cuntentu

De sa bostra religioni

S'affidàda sa traduzioni

De su primu testamentu

E lietu in cussu momentu

Obbidiu estis cu fervori

Agiudai s'isola sarda

O Gerolamu santu dottori.

(6)

A su Papa obbedienti

A sa fatiga manu ponestis

S'aramaicu ddu traducestis

In latinu totalmenti

E titulau s'hadi su credenti

De sa bibbia traduttori

Agiudai s'isola sarda

O Gerolamu santu dottori.

(7)

Po no essiri disturbau
In sa bella tradizionii
De Betlemme in sa regioni
Una grutta estis circau.
E' sa grutta aundi hat donau
Is natalis su redentori
Agiudai s'isola sarda
O Gerolamu santu dottori.

(8)

In sa grutta send'inserrau
Cuncentrau in sa tradizionii
Una diri sa tentazioni
De foras s'hiat provocau.
A ndi bessiri siad'invitau
E a no crei in su Salvadori
Agiudai s'isola sarda
O Gerolamu santu dottori.

(9)

Po su malu Imperu Romanu
Unu libru èstisi scrittu
A su populu fendi s'invitu
A si fai prus cristianu.
E a s'appartai lontanu
De satana ingannadori
Agiudai s'isola sarda
O Gerolamu santu dottori.

(10)

Sa tradurria iscrittura
Is dottus hianta liggiu
Dda stimànta unu prodigi
O miraculu adderettura.
E sa cresia cun premura
Divulgau nd'hat su valori
Agiudai s'isola sarda
O Gerolamu santu dottori.

(11)

Sa speranza estis ripostu
Solamenti in s'Altu Celesti
De su vanu gosu terrestri
Estis biviù sempri discostu
A sunfriri solu dispostu
Si fiat gioia su dolori
Agiudai s'isola sarda
O Gerolamu santu dottori.

(12)

Senz'e pani po si nutrir
Senza manta e senz'e lettu
E cun d'una perda su pettu
Si battestis po sunfriri.
Nò mancastis mai de offriri
Sacrificius a su Signori
Agiudai s'isola sarda
O Gerolamu santu dottori.

(13)

Is annus chi estis contau
Non fianta né unu né dusu
A serviziu de Gesusu
Ottantottu nd'estis passau.
Cun costanza fèstisi stau
De sa fidi coltivadori
Agiudai s'isola sarda
O Gerolamu santu dottori.

(14)

De settembre s'ultima diri
Su quattruxentus dexiannoi
Gloriosu che un'eroi
Dèppia dd'estis finiri
Sa terrena vida e partiri
A sa gloria trionfadori
Agiudai s'isola sarda
O Gerolamu santu dottori.

(15)

A sa gloria pustis bolau
Su mundu hadi riconnottu
Chi de grazia subitu e tottu
Medas nd'estis accanzau.
E de su coru sconsolau
Sesi sempri consoladori
Agiudai s'isola sarda
O Gerolamu santu dottori.

(16)

De su deus onnipotenti
Tentu estis sa facoltadi
De curai sa malidadi
De su coru prus sofferenti.
Venerau eternamenti
Santu martiri cunfessori
Agiudai s'isola sarda
O Gerolamu santu dottori.

(17)

Ses su Santu prus' invocau
De Cabuderra po grazia divina
E ind'una montagna vicina
Una cresia t'hat dedicau.
Dogn'annu ses'afestau
De Cabuderra cun grandu fervori
Agiudai s'isola sarda
O Gerolamu santu dottori.